

ხელშეკრულება საქონლის სახელმწიფო შესყიდვის

შესახებ N61

ქ. თელავი

„20“ ოქტომბერი 2020წ.

წინამდებარე ხელშეკრულება დაიდო ერთი მხრივ, ა(ა)იპ თელავის მუნიციპალიტეტის ბაგა-ბაღების მართვის სააგენტოს, წარმოდგენილი მისი დირექტორის მ/შ. ალექსანდრა ლუარსაბაშვილის სახით, (შემდგომში „შემსყიდველი“) და მეორეს მხრივ შპს „ვი დი ჯი გრუპი“ (შემდგომში „მიმწოდებელი“), წარმოდგენილი მისი დირექტორის გივი კალანდარიშვილის სახით, იმის გათვალისწინებით, რომ შემსყიდველმა ჩაატარა ელექტრონული ტენდერი აუქციონის გარეშე პირადი ჰიგიენის საშუალებების შესყიდვაზე, რომელშიც გამარჯვებულად მიჩნეულ იქნა შპს „ვი დი ჯი გრუპი“-ს სატენდერო წინადადება (NAT200014032), რომლის თანახმად მიმწოდებელმა აიღო ვალდებულება 30857,00 (ოცდაათათასრვაასორმოცდაჩვიდმეტი ლარი და 00 თეთრი) ლარად შეასრულოს აღნიშნული მომსახურება.

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - კალენდარული დღე, კვირა, თვე.

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1. ხელშეკრულების საგანი: ა(ა)იპ თელავის მუნიციპალიტეტის ბაგა-ბაღების მართვის სააგენტოში შემავალი საბავშვო ბაღებისათვის პირადი ჰიგიენის საშუალებების შესყიდვა და ადგილზე მიწოდება.

2.2. სატენდერო განცხადების ნომერი: NAT200014032;

2.3. კლასიფიკატორის (CPV) კოდი და შესყიდვის კონკრეტული ობიექტი: CPV33700000 - პირადი ჰიგიენის საშუალებები;

2.4. შესყიდვის საშუალება – ელექტრონული ტენდერი აუქციონის გარეშე.

2.5. დაფინანსების წყარო – 2020 წლის ადგილობრივი ბიუჯეტი.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს **30857,00 (ოცდაათათასრვაასორმოცდაჩვიდმეტი ლარი და 00 თეთრი) ლარს;**
- 3.2. ხელშეკრულების ღირებულება მოიცავს როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.
- 3.4. ხელშეკრულების ღირებულებით პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 3.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, სახელმწიფო შესყიდვის შესახებ ხელშეკრულების ჯამური ღირებულების გაზრდა დასაშვებია მხოლოდ 10%-ის ოდენობით.

4. მხარეთა ვალდებულებები

4.1 მიმწოდებელი ვალდებულია: **2020 წლის 20 ოქტომბრიდან 2020 წლის 31 დეკემბრამდე უზრუნველყოს:**

- ა) საქონლის მიწოდება ტექნიკურ დოკუმენტაციაში განსაზღვრული პირობების შესაბამისად;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.
- დ) მიმწოდებელმა შესრულებულ მომსახურებაზე სატენდერო დოკუმენტაციასთან შესაბამისობის დადგენის მიზნით, უნდა წარმოადგინოს შესაბამისი დოკუმენტაცია.

4.2. შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები;
- გ) გადაუხადოს მიმწოდებელს შესრულებული სამუშაოს ღირებულება.

4.3 შემსყიდველი უფლებამოსილია: მიმწოდებლის მიერ გაწეული მომსახურების სატენდერო დოკუმენტაციასთან შესაბამისობის დადგენის მიზნით, განახორციელოს კონტროლი ინსპექტირების ჯგუფის საშუალებით.

5. ხელშეკრულების შესრულების კონტროლი

- 5.1. შემსყიდველი, მისი წარმომადგენლის მეშვეობით ახდენს შესრულებული მომსახურების ინსპექტირებას.
- 5.2. მიმწოდებლის მიერ გასაწევ, ან უკვე გაწეულ მომსახურების კონტროლი (ინსპექტირება) ხორციელდება სისტემატიურად შემსყიდველის შეხედულებისამებრ. ამ მუხლის არცერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.
- 5.3. მიმწოდებელი უზრუნველყოფს ინსპექტირების ჩატარებას აუცილებელი პერსონალით და ტექნიკური საშუალებებით.
- 5.4. მიმწოდებელი ვალდებულია საკუთარი რესურსებით უზრუნველყოს ინსპექტირების შედეგად გამოვლენილი ყველა ნაკლის აღმოფხვრა.

5.5. ხელშეკრულების შესრულების კონტროლს (ინსპექტირებას) განახორციელებს: ა(ა)იპ თელავის მუნიციპალიტეტის ზაგა-ბაღების მართვის სააგენტო.

6. საქონლის მიწოდების ვადები, რაოდენობა, ფასები და მიღება-ჩაბარების წესი

- 6.1. საქონლის მიწოდება უნდა განხორციელდეს 2020 წლის 20 ოქტომბრიდან მ.წ. 31 დეკემბრამდე, მოთხოვნის მიხედვით, თვეში ერთხელ, მოთხოვნიდან არაუმეტეს 3(სამი) სამუშაო დღეში.
- 6.2. საქონლის რაოდენობა, ერთეულის ფასი მოცემულია ტექნიკურ დოკუმენტაციაში, ფასების ცხრილში (დანართი N2), რომელიც წარმოადგენს ხელშეკრულების განუყოფელ ნაწილს.
- 6.3. შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის (ფაქტიურად შესრულებული მომსახურების მიღება-ჩაბარების აქტი, რომელზეც ხელს აწერს პროდუქციის მიმღები ზაგა-ბაღის გამგე/მწე) და სასაქონლო ზედნადების ან ანგარიშ-ფაქტურის გაფორმების შემდეგ.

7. ანგარიშსწორება

- 7.1 ანგარიშსწორება განხორციელდება შემდეგი პირობებით:
- ა) ანგარიშსწორების ვალუტა - ლარი;
 - ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
 - გ) ანგარიშსწორება განხორციელდება ერთიანი მიღება-ჩაბარების აქტის ან სასაქონლო ზედნადების წარმოდგენის საფუძველზე.
- 7.2. შემსყიდველი იღებს ვალდებულებას გადაუხადოს მიმწოდებელს მიწოდებული საქონლის ღირებულება მიღება-ჩაბარების აქტის გაფორმებიდან **10 (ათი) სამუშაო დღის ვადაში**. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8. ხელშეკრულების შესრულების შეფერხება

- 8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.
- 8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

9.1 წინამდებარე ხელშეკრულებით განსაზღვრული საქონლის მიწოდების ვადის გადაცილების შემთხვევაში, მიმწოდებელს ეკისრება პირგასამტეხლო სახელშეკრულებო ღირებულების 0.2%-ის ოდენობით ყოველ ვადაგადაცილებულ დღეზე.

9.2 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი)%, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის

გადასახდელი პირგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2 თუ ასეთი მოლაპარაკების დაწყებიდან 10(ათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

12. ხელშეკრულების შეწყვეტა

12.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. გარანტია

13.1. ხელშეკრულების მოქმედების განმავლობაში მიმწოდებელი ვალდებულია საკუთარი ხარჯებით უზრუნველყოს წარმოქმნილი ხარვეზების აღმოფხვრა.

14. ფორს-მაჟორი

14.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური

მოვლენებით, ეპიდემიით, კარანტინით, საქონლის მიწოდებაზე ემზარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. ხელშეკრულების მოქმედების ვადა

15.1. წინამდებარე ხელშეკრულება ძალაშია 2020 წლის 20 ოქტომბრიდან 2021 წლის 31 იანვრამდე.

16. სხვა პირობები

16.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2. მესამე პირთან ურთიერთობაში მხარეები მოქმედებენ სახელით, ხარჯებითა და რისკით.

16.3. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17. მხარეთა რეკვიზიტები:

<u>„შემსყიდველი“</u>	<u>„მიმწოდებელი“</u>
ა(ა)იპ თელავის მუნიციპალიტეტის ზაგა- ბაღების მართვის სააგენტო	შპს „ვი დი ჯი გრუპი“
ტელ: (+995) (350) 27-17-39	ტელ: 593-20-44-00
მისამართი: ქ. თელავი, ჭავჭავაძის გამზ. N4	მისამართი: ქ. თბილისი, ნინოშვილის ქ. N49
საბანკო რეკვიზიტები:	საბანკო რეკვიზიტები:
სახელმწიფო ხაზინა	ბ/დ: სს „საქართველოს ბანკი“
ბანკის კოდი –	ბ/კ: BAGAGE22
ა/ნ –	ა/ნ: GE03BG0000000736924500
საიდენტიფიკაციო კოდი - 431435878	ს/ნ: 204560607
გაერთიანების დირექტორის მ/შ.	დირექტორი
_____ /ა. ლუარსაბაშვილი/ ბ. ა.	----- /გ. კალანდარიშვილი/ ბ.ა.

დანართი N2 - ფასების ცხრილი

N	დასახელება	განზომილების ერთეული	რაოდენობა	ერთეულის ფასი (ლარი)	სულ საერთო ფასი (ლარი)
1	საპირფარეშოს ქაღალდი	ცალი	500	0.59	295.00
2	საპირფარეშოს ქაღალდი 2 ფენიანი	ცალი	5000	0.59	2950.00
3	ქაღალდის ხელსახოცი (სუფრის) არანაკლებ 100 ცალიანი შეფუთვით	შეკვრა	6000	0.944	5664.00
4	ქაღალდის პირსახოცი არანაკლებ 100მეტრიანი რულონი	ცალი	2500	6.49	16225.00
5	სველი ხელსახოცი არანაკლებ 100ცალიანი	შეკვრა	500	5.90	2950.00
6	საპონი თხევადი 5 ლიტრიანი	ცალი/ლიტრი	250	8.26	2065.00
7	ქლორიანი საპონი	ცალი	300	2.36	708.00
	ს უ ლ ფასი დღგ-ს ჩათვლით				30857,00

სააგენტოს დირექტორის მ/შ.

ალექსანდრა ლუარსაბაშვილი

შპს „ვი დი ჯი გრუპი“-ს დირექტორი

გივი კალანდარიშვილი

ინტერესთა კონფლიქტის ხელშეკრულება

ქ. თელავი

„20“ ოქტომბერი 2020წ.

ჩვენ, ქვემოთ ხელის მომწერნი, ვმოქმედებთ რა „სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტის „ე“ ქვეპუნქტის და ამავე მუხლის მე-4 პუნქტის შესაბამისად, ვადასტურებთ, რომ ჩვენი მონაწილეობა თელავის მუნიციპალიტეტის ბაგა-ბაღების მართვის სააგენტოსა და შპს „ვი დი ჯი გრუპი“-ს შორის 2020 წლის 20 ოქტომბერს N61 სატენდერო ხელშეკრულების გაფორმებისას არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლით გათვალისწინებულ, ინტერესთა კონფლიქტისათვის დადგენილ მოთხოვნებს.

„შემსყიდველი“

ა(ა)იპ „თელავის მუნიციპალიტეტის ბაგა-ბაღების
მართვის სააგენტო“

დირექტორის მ/შ.

ალექსანდრა ლუარსაბაშვილი-----

„მიმწოდებელი“

შპს „ვი დი ჯი გრუპი“

დირექტორი:

გივი კალანდარიშვილი-----